



乾隆安殿本

諸仙祝嘏

乾隆安殿本

諸仙祝嘏

文化藝術出版社
Culture and Art Publishing House



諸仙祝嘏

扮八童

舞雲上

扮嘯父四仙童隨上唱

園林好

駕紅雲麟洲鳳洲御香風珠樓翠樓權

做了仙班領袖

白

綿綿國祚慶無疆玉燭調和

日月光

萬歲樓前停鶴馭衆仙同日咏霓裳我乃嘯父是也
籍隸冀州位登絳闕西州市上曾傳補履生涯
玉壁城中久識金丹妙訣今當

聖駕三幸臺山

鸞輿春省

玉輅時巡凡屬山西界上騎鸞控鶴餐霞服玉諸家

俱來會集仙樓同伸祝嘏衆仙童

衆白

有

嘯父

白隨往會仙樓去者唱同會着小丹邱獨占了

衆仙儔

扮河上公洪崖子皮裘先生上合唱

尹令駐紅顏砂尋勾漏踏紅塵花迷洞口

各通

名介 合白

列位大仙稽首

河上公白

我等在山

西界上得道成仙今當

玉輅時巡奉嘯父仙師法旨往會仙樓恭迎

聖駕

衆白

便是我等一同前往

唱

聽滿路笙簫迭奏

看五色雲中有多少衣冠拜

冕旒

見介

仙師在上我等稽首

嘯父白

列位同駐雲

輶來依日馭可謂一時盛事你看煙雲繚繞鸞
鶴飛翔早又有仙真到也

扮韓仙子跨鶴王子喬垂鸞上唱

品令 煙凝露浮催下釣鰲洲雲停霧收盼上會

仙樓 各通名介 合白 衆仙真在會仙樓接

駕因此跨禽同往請 唱 跨仙禽並遊管不得風冷雲

衣皺要瞻

天願酬怎肯放雲程落後因此策鶴鞭鸞待作仙班

第一傳 白 嘯父仙師稽首 嘯父白 列位仙真少

禮妙阿你看衆仙不邀而至真所謂奔走偕來

同我太平也

唱

荳葉黃看萬年枝暖五色雲浮排列着閨苑神仙排列着閨苑神仙一個個霞裳雲袖

龍顏並仰天街共遊待把金璫玉管待把那金璫玉管一霎時譜成

萬壽歌謳

白

異哉綠雲飄飄玉珮鏗鏘有多少仙女

來也

扮郝女君鮑姑樂氏二仙女西河少女麻姑

仙常醜女合唱上

玉交枝丹爐相守似閒雲山中靜脩清風引出

芙蓉岫也不用乘鳳遨遊

各通名介白

聞得

聖駕臨幸凡屬山西界上得道成仙之輩齊集仙樓

恭迎

聖駕因此離却名山同往會仙樓去

唱

桃花洞口且

自流彩雲樓上同相候戴金莖歡聲怎休拜金

階芳踪共留

見介嘯父白

列位女仙都來接

駕足見山右靈區不啻蓬壺方丈也

扮僮伶四仙童提籃隨上唱

江兒水不記山中歲渾忘海上籌洪崖絳縣非

吾偶

見介僮伶白

嘯父列位大仙稽首

衆白

老

祖稽首

嘯父白

吓僮伶老祖你仙壇深鎖數千

年不下名山今日來此莫非恭迎

聖駕麼

僮伶白

俺當年得道也在此地今日

聖天子巡幸到此列位大仙整肅雲輦恭迎

日馭因此喜溢趨陪

嘯父白

你帶着仙童敢是有採

來的瑞草仙花進奉

朝廷麼

偓佺白

吓大仙當今

聖天子福祚綿長金甌永固真個是

一人有慶

萬壽無疆率土騰歡普天戴德也

唱

帝心眷顧

皇天佑何須餌棗誇靈壽共祝天長地久服食求仙

怎測

聖人高厚

白

俺在深山覓得一種仙草願奉

朝廷以伸祝嘏之意仙童取瑞草過來

嘯父白

此物

何名

僊伶白

此乃一統萬年青也

衆白

好好個

一統萬年青

合唱

川撥棹

真輻湊這嘉名堪不朽

合跪獻介

一齊

兒拜手仙樓一齊兒拜手仙樓願

皇家迎祥迓祿奠金甌千萬秋被恩波百萬儔

尾聲如天

聖德齊天壽盡向那康衢拜手從此後譜入仙歌向
花下謳